

Safata 1

1-25 Godima nesia ui.

1-5 Godima ure ini nasini ini
sirorari uite i nasini ue bou utawa
ui. Godinu Imumu Kotofu ogoro
inareda yawotebiro dumu torowa
ibebi. Godima wei ario ua weiro
ario uiro Godima erina kobererau ui.
Godima i ario ini dumu ini beberite
i ariona kowa weite wei i dumuna
dumu weiro dumu ini kowa ini, i
waina kowa demurai.

6-13 Godima weiro goso ogoroma
amuiro ewana ure, Godima wei. I
waina kowa sadei. Godima weiro ogo

nesia fira uite kabesi demurairo
ibiro rarara nasini amuiro Godima
weiro ana oma ini duko ini dimua
damua ini idina madina ini i
nasiniroma waraeta ememetu nesia
fariro aika maika warataita. I
waina kowa rarogonu.

14 - 19 Godima weiro kowa ini sakara
ini muina ini fariro Godima i
kowana kowanu ario Dana uite sakara
ini muina ini dumunu ario uiro
ibinita. Kowa ini sakara ini muina
ini ibinitaba nasiniro ario ibinu.
I ario ibinitaba moana kowa obi
matasu. Moana kowa obi matawa.
Moana kowa waiya utebaita. Moana

kowa daurebaita. I waina kowa mui
sadei eno mui sadei eno.

20-25 Godima weiro erio egi nesia
fatate ibeda emanu torowa dore
dirigari utebita. Nono weiro
gasira nesia fatate ibeda babaka
dore dirigari utebita. I waina
kowa enabirage bunuba (5). Godima
weiro nasiniro inareta ememetu nesia
ido fatate ibeda dore dirigari
utebita. Godima me ibeta ememetuba
idina madina ana tai tai ini ietata
nesia mai.

Safata 2

1:26-2:25 Godima eme ubu ui.

Aruma ini amara ini Danu aika
ari ubu ui. Godima sakai munite i

amara ubu uite danu ibo ebaro oeno
saniro uyarite neno saniro Godi i
amara danu ifu Adamu mami. Godima
Idani orofa ogobai dera waiya waite
Adamu woure ane odi. I waiyaro ana
faiyawere inaibebita. Moana ananu
tai, kobere ieta tai. Mui wiroeta
ana waiya abanaro inaibebiro i
uwara danu tai ifitaitana da
uifitaita. Iba Godi danu ifu
wiroeta ana mami. Mui iwata ana
waiya abanaro inaibebiro i uwara
danu tai ifitaitana nesia iwata
ufitaita. Iba Godima danu ifu
iwata ana mamite Godima Adamuba wei
ewa waiya yawoteda nesia ana tai tai

itebeate iwata ana tai da ifaro weite
wei ifasuna kobererau ini siosawere
ini nesia iwata ufasuba da ifaro
weite wei ifasuna uifasuba weite
aduma uriki Adamubai wo fariro
Adamuma emanu ifu mame me siniro
Godima erina Danu ubu ueta Adamu ari
me. Ido wei Adamu danu aika ibinuna
ba me. Iba danu aweta ubu umaro dawa
duruu ufiro ibifisisi wei. Godima
Adamu nauta kunawere ma ainite danu
jajago tai munite garari uite taima
aweta ubu ui. Duburo Adamu uyarina
Godima aweta munite amarabai mairo
erite wei a na ari. Godima nanu
jajago taima a ubu usinuba anu ifu

aweta mamatane wei. Iba amara danu
danua ini danu damama ini ibebe
ekodeibitate aweta muneibitate danu
danua ini danu damama ini su aika
uteibitaita. Godima emaba wei
kuaboro munebeawate oma ana ini
aduma uriki ini ewa nasiniro inareta
ememetu ini erawa nautawa ini ane ane
yawotebeawa wei. Boderewere i aweta
ini awera wadia me, ofe torowa ibeda
maru utawa uta. Godi Danu ubu ueta
nesia erina kobererau. I waina kowa
sikisi (6) enabirage bunuba enabirage
demurai. Godi Danu waiya ue me
siniba kowa seweniro imoiteda i
kowanu ifu aika mami.

Safata 3

1 - 2 4 Eme sara siosa uta.

1 - 7 Bodere towi beforo bunawereba
awetaba wei Godima aba ane wenu?
Ana tai tai nesia da ifawaro eno
wenu? weiro awetama wei ana tai
tai nesia ifutu. Waiya abanaro
inaibinu ana tai da ifutu.
Burifutuna uifutu weiro towima
iruite wei i tai ifawaisina da
uifawate iwata kobererau ini iwata
siosa ini ufawate i ana tai
ifawaisina Godi Dawa ari sibawaisi.
Godi ewa Dawa iwata utasu weiba
aweta ana tai erite danu unu mubie
uiba mui tai mune ite aweraba mui

mairo iro iwata usite ofe torowa
ibebe esite boruba tata derawere
musite yusi.

8 - 21 Dumú dumú waiyaro Godima
inarebiro rurua nausite feasiro
Godima i amaraba yua wei aboro
fearibinu? weina i amarama wei anu
wate tanana naunete ofe torowaba
iba iyanete feanea weiro Godi wei
anama aba ofe torowa wenu? weite wei
etei kakara ana tai isinu aba me?
weina Adamu wei etei aweta ana naba
mairo dana ana tai masinuro ine
weiro i awetama wei etei towima na
irusinuro ine weiro Godima towiba
wei irusinuba a ma siosa utatane

weite wei desinima nasiniro wairu
wairu ue inareda anu ieta fukewi
itebea weite nono wei anu nanatu ini
etei awetanu kuaboro uraneibitaro
danu buri edu ma oferi ufaro anu
kofiri amune mumujegari ufisu weite
awetaba wei aruma amara mubae uteda
oferi woureibate anu aweraba anu unu
uteibasuba daido imuteibasus. Anu
awera a yawofisu weite Adamuba wei
ewa usinuba uru ini koe ini
warafitaitaba waiya derawere
uteibate iteibasus. Ainewaure daido
uteibasus weite wei i nasinima a ubu
ueba nono a nasini sibasus wei. Godi
eginu ofe munite barueta ubu uite

Adamu ini danu awetaba mairo barusi.
Adamu danu awetanu ifu Iwi mamiba
i uwara nesia yanu baya dawabairoma
ya sirorari usi.

22-24 Iwi ini Adamu iwata kobererau
ini siosa ini usiba i wiroeta ana
tai iotaba Godima i aweta ini awera
waiya kebiro odiro anisi. Godima
aneru sadei waiya gigirari odiro
yafa kaiya, iná ari ma owere owere
utebisite i wiroeta ana garari
utebisiro i aweta ini awera kobere
waiya ido ekoisite mui orofaro
anisite waiya utebisi.